



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Septem Illustrium Virorum Poemata**

**Amstelodami, 1672**

Janiculus. De Villâ Hieronymi Farnesii, S. R. E. Cardinalis, sitâ ad portam  
Aureliam, Romae.

**urn:nbn:de:hbz:466:1-11215**

Sic postquam teneris adulta virtus  
 Annis CHISIADÆ dedit futuris  
 Omen laudibus, arduisque curis  
 Prælusit gravium negotiorum  
 Astrææ studiis, & arte Phœbi,  
 Turritum caput altius levavit  
 Septem collibus, & favente nutu  
 Lætis plaudere visa Roma fatis,  
 Nec mœstas Cremeræ tumentis undas,  
 Nec Veios meminit dolens, & uno  
 Felices FABIO vocavit Idus  
 Fatalis FABIIS <sup>18</sup> diem trecentis.

### JANICULUS.

*De Villâ Hieronymi Farnesii, S. R. E. Cardinalis,  
 sitâ ad portam Aureliam, Roma.*

Quamvis Janiculum vocent, nec inter  
 Septem mī juga dent locum Quirites,  
 Clarus non ideo minùs sepulcro  
 Et Jani patris & Numæ, propinquum  
 Tollo nubibus arduis cacumen.  
 Vel Farnesia villa ( quam remoti  
 Prospectus maris, & salubre cælum,  
 Et felix situs, & loci vetustas,  
 Et vultus domini beat, decusque  
 Ingens Patribus additi Latinis )  
 Tantos dat mihi spiritus, ut ipsa

Tali

<sup>18</sup> Idib. Feb. sex & trecenti ex Fabiis Veienti prælio interemti. Ovid. l. II.  
 Fabi.

Tali munere lætus astra summo  
Tangam vertice, Romulosque colles  
Nostris despiciam jugis minores,  
Et rerum Dominam superbus Urbem.

DONUM NATALITIUM  
ALEXANDRO VII. P. O. M.

*Idibus Februariis, Anno M. DC. LXI.  
oblatum.*

**M**Os inde à veteri receptus ævo,  
Ut natalitio die clientes  
Ultro muneribus colant Patronos.  
Proin, quando niveo notanda signo  
Natales tibi lux reducit Idus,  
Suetâ, MAGNE PARENS, benignitate  
Donum, oro, famuli tui pusillum,  
Chartas accipias; quibus levamen  
Quæratur gravibus subinde curis.  
Hinc sacros releges pius libellos;  
Et res Isacidûm Patrum, Ducumque,  
Et Regum memoranda facta, & arma  
Eductamque Deo sub astra molem:  
Illinc Austriadûm videre vultus  
Spirantes Procerumque, Cæsarumque  
Heroasque juvabit intueri,  
Musarum columen, decusque Martis;  
Sollers quæ manus, ingenique mira  
Virtus mollibus edidit figuris.  
At festam referente sole lucem,  
Latè porticus alta Vaticanam

Am-